

আন্তর্জাতিক

শিক্ষার্থীদের কাছে নরেন্দ্র মোদীর ক্ষমা চাওয়া উচিত: রাহুল গান্ধী

প্রতিবেদক: আন্তর্জাতিক ডেস্ক

প্রকাশের তারিখ: শনিবার, ০১ আগস্ট ২০২৬, ০৬:০৩ PM



ছবি সংগৃহীত

ভারতের প্রধানমন্ত্রী নরেন্দ্র মোদীর সমালোচনা করে কংগ্রেস নেতা রাহুল গান্ধী বলেছেন, দেশের শিক্ষার্থীদের প্রধানমন্ত্রীর কোনো ক্ষমার প্রয়োজন নেই, বরং প্রধানমন্ত্রীর নিজেরই তাদের কাছে ক্ষমা চাওয়া উচিত। চেন্নাইয়ের কাছে মহাবলীপুরমে নিট পরীক্ষার কারণে আত্মহত্যা নিহত শিক্ষার্থীদের পরিবারের সঙ্গে দেখা করে সমবেদনা জানানোর সময় তিনি এ কথা বলেন।

সন্তান হারানো শোকাহত বাবা-মায়ের কান্নার চেয়ে বেদনাদায়ক আর কিছু হতে পারে না উল্লেখ করে রাহুল গান্ধী বলেন, প্রতিটি তরুণ প্রাণ ঝরে যাওয়ার পেছনে একটি করে পরিবার সারাজীবনের কষ্টের বোঝা বয়ে বেড়াচ্ছে।

এ সময় প্রশ্নপত্র ফাঁস হওয়া, পরীক্ষা বাতিল হওয়া এবং বছরের পর বছর ধরে করা প্রস্তুতি এক রাতে ধ্বংস হয়ে যাওয়া দেশের ভেঙে পড়া শিক্ষাব্যবস্থাকেই উন্মোচন করেছে বলে মন্তব্য করেন তিনি। অসাধু একটি ব্যবস্থার মধ্য দিয়ে শিক্ষার্থীদের প্রতি কোনো সততা না দেখিয়ে

তাদের কাছ থেকে সততার প্রত্যাশা করা হচ্ছে বলেও অভিযোগ করেন এই কংগ্রেস নেতা।

প্রধানমন্ত্রী নরেন্দ্র মোদি শিক্ষার্থীদের সমালোচনার মুখে তাদের ঝুঁকমা করার যে মন্তব্য করেছেন, তার প্রতিক্রিয়ায় রাহুল গান্ধী এই অবস্থান নেন। এছাড়া প্রশ্নপত্র ফাঁসের কারণে যাদের ভবিষ্যৎ নষ্ট হয়েছে বা সন্তান হারিয়ে যারা শোকাহত, প্রধানমন্ত্রী তাদের কাউকেই সাবুনা দিতে যাননি বলে সমালোচনা করেন তিনি।

কেন্দ্র সরকার শিক্ষার্থীদের এবং তাদের পরিবারের এই মর্মান্তিক কষ্ট উপলব্ধি করতে সম্পূর্ণ ব্যর্থ হয়েছে বলেও অভিযোগ করেন রাহুল গান্ধী।

সূত্র: টাইমস অব ইন্ডিয়া।

এ বিভাগের আরও খবর



ওমানকে নিয়ে হরমুজে নৌপথ বানাচ্ছে ইরান
হরমুজ প্রণালিতে জাহাজ চলাচলের জন্য একটি অস্থায়ী নৌপথ নির্ধারণে ইরান ও ওমান কাজ করছে বলে জানিয়েছেন ইরানি পররাষ্ট্রমন্ত্রী আব্বাস আরাগ্‌চি। শাহর....



বাড়তে পারে মক্কা প্রতিরক্ষা জোটের পরিধি
তুরস্ক, সৌদি আরব ও পাকিস্তানের মধ্যে সম্মতি স্বাক্ষরিত মক্কা বৌদ্ধ প্রতিরক্ষা চুক্তিতে মিসরও যোগ দিতে পারে বলে জানিয়েছেন তুরস্কের প্রেসিডেন্ট....



গাজায় দুই ভবনের ধ্বংসস্থাপে মিললো ২১ ফিলিস্তিনির কঙ্কাল
ফিলিস্তিনির অবরুদ্ধ গাজা উপত্যকার দুটি ক্ষতিগ্রস্ত ভবনের ধ্বংসস্থাপের নিচ থেকে ২১ জন ফিলিস্তিনির দেহাবশেষ (কঙ্কাল) উদ্ধার করেছেন উদ্ধারকারী দল...



ইন্দোনেশিয়ায় ভয়াবহ ভূমিকম্প, নিহত বেড়ে ৪৭
ইন্দোনেশিয়ার পূর্বাঞ্চলে ৭ দশমিক ৭ মাত্রার শক্তিশালী ভূমিকম্পে নিহতের সংখ্যা বেড়ে ৪৭ জনে দাঁড়িয়েছে। দেশটির জাতীয় দুর্যোগ ব্যবস্থাপনা সংস্থার...

Copyright Dhaka Probe

অনলাইন সংস্করণ পড়তে ভিজিট করুন: <https://dhakaprobe.com/international/shiksharthider-kachhe-nrendr-modir-kshma-chaoya-uchit-rahul-gandhi>